

## پولس بریدی قیصریہ

۲۳ پس اون، دو نفر جہ خو افسران دوخواڈہ بوگفته: «دیویست نفر سرباز پیاده، هفتادتا سوارہ نظام و دیویستتا نیزہدار آمادہ کونید کی ساعت نہ شب بیشید قیصریہ. ۲۴ پولس سوار کونید، اون سلامت برید و فلیکس، استان یهودیہ والی تحویل بدید.»

۲۵ اون ایتا نامہ بینویشته:

۲۶ «به نام خدا،

جہ: کلودیوس لیساس

به: عالیجناب فلیکس، والی

۲۷ یهودیان ا مرداک کی ان نام پولس ایسه، بیگفتیدی و نقشہ بکشہ ییدی تا اون بوکوشید ولی من، می سربازان امرأ بوشوییم و اون نجات بدیم، چونکی بیشنوستم روم شینہ. ۲۸ اون بردم یهودیان شورا میان کی بفہم چہ اون محکوم بوکودیدی. ۲۹ بفہمستم کی اوشان خوشان دین و شریعت وستی اختلاف دأریدی و اون کاری نوکودہ کی سزاواژ اعدام یا زندان ببہ. ۳۰ وختی متوجہ بوبوستم کی برضد اون نقشہ بکشہ ییدی، فوری اون شیمی ورجہ اوسہ کودم. مدعیانم دستور بدم شکایتی کی اون جا دأریدی، شیمی ورجہ باورید.»

۳۱ سربازانم خوشان فرماندہ دستوز امرأ، شبانہ پولس باوردیدی شہر آنتیپاتریس.

۳۲ هو روز، اون بیسپردیدی بہ سوارہ نظام کی اون باورید و سربازان بہ قلعه

واگر دستیدی. ۳۳ سوارہ نظام وختی به قیصریہ فارسہ ییدی، نامہ ی تحویلاً والی بدیدی و پولس بردیدی اون ورجہ. ۳۴ والی نامہ ی بخوانندہ، پولس جا وورسہ: «کو استان شینی؟» بفہمستہ کی کیلیکیہ شین ایسہ، ۳۵ اون بوگفتہ: «وختی اوشانی کی تی جا شکایت داریدی فارسید آہ، تی جا بازجویی کونم». بزین دستور بدہ کی پولس باورید، ہیرو دیس کاخ میان زیر نظر بدارید.